



堯山堂外紀卷六十一

晉陵蔣仲舒編

宋

陸游

字務觀，母夢秦以游而生，故名。其字而字，其名。當時稱曰書監韓平原，嘗招致之所作南園鬪古。

泉二記時雖稱頌而有規勸之意，故平原敗猶得免禍。

陸務觀恃酒頽放，因自號放翁。作詞云：橋如虹，水

如空，一葉飄風煙雨中。天教稱放翁，又感舊鵲

橋仙曰：華燈縱博，雕鞍馳射，誰記當年豪舉。酒

堯山堂外紀卷六十一

徒一半取卦侯，獨去作江邊漁父。輕舟八尺

低篷，三扇占斷蘋洲煙雨。鏡湖元自屬閒人，又

何必官家賜與。

陸放翁一夕夢一故人相語曰：我為蓮花博士，鏡

湖新置官也。我去矣。君能暫為之乎？月得酒千

壺亦不惡也。遂以詩記之曰：白首歸修汗簡

每因囊粟歎侏儒。不知月給千壺酒，得似蓮花

博士無。



陸放翁初調官臨安有詩云小樓一夜聽春雨深  
巷明朝賣杏花。都人稱誦傳入禁中。思陵稱賞  
由是知名。

陸務觀初娶唐氏於其母夫人爲姑姪伉儷相得  
而弗獲於其姑因出之唐改適同郡宗子嘗春  
日出游相遇於禹跡寺南之沈氏園唐以語趙  
遣致酒殺陸悵然久之爲賦釵頭鳳詞題園壁  
云紅酥手黃藤酒滿城春色宮牆柳東風惡歡  
堯山堂外紀卷六十一

二

情薄一懷愁緒幾年離索錯錯春如舊人空  
瘦淚痕紅浥鮫綃透桃花落閒池閣山盟雖在  
錦書難托莫莫唐見而和之有世情薄人情  
惡之句未幾怏怏而卒聞者爲之愴然

陸放翁自沈園邂逅終不能忘情唐氏每過沈園  
必登寺眺望賦二絕句云落日城頭畫角哀沈  
園非復舊池臺傷心橋下春波綠曾見鷺鷥照  
影來夢斷香消四十年沈園柳老不吹綿此身

行作稽山土猶甲遺踪一泫然唐旣歿沈園亦  
三易主矣悵然有懷復有詩云楓葉初丹榭業  
黃河陽愁鬢怯新霜林亭感舊空回首泉路憑  
誰說斷腸壞壁醉題塵漠漠斷雲幽夢事茫茫  
年來妄念消除盡回向蒲龕一炷香嗣後夢遊  
沈氏園又作兩絕云路近城南已怕行沈家園  
裏更傷情香穿客袖梅花在綠蘸寺橋春水生  
減南小陌又逢春只見梅花不見人玉骨久成

堯山堂外紀卷六十一

三

泉下土墨痕猶鎖壁間塵

陸放翁在蜀有所盼嘗賦詩云金鞭珠彈憶春遊  
萬里橋東罨畫樓夢倩曉風吹不斷書憑春鴈  
寄無由鏡中顏鬢今如此席上賓朋好在否篋  
有吳箋三百幅擬將細字寫新愁又云喪馬清  
狂錦水濱是繁華地作閒人金壺投箭消長日  
翠袖傳盃領好春幽鳥語隨歌處拍落花鋪作  
舞時茵悠然自適君知否身與浮名孰重輕

陸放翁贈徐相師詩云許負遺書果是非子憑何  
處說精微使君豈必如柳大丞相元來要瓠肥  
袖潤日長籠短刺肩寒春未換單衣半頭布袋  
挑詩卷也道游京賣術歸

陸放翁贈猫詩云裹鹽迎得小狸奴盡護山房萬  
卷書慚愧家貧策勲薄寒無氈坐食無魚劉後  
村託諷在位諸人乃翻案云古人養客乏車魚  
今汝何功客不如飯有溪魚眠有氈忍教鼠嚙

堯山堂外紀卷六十一

四

案頭書

陸放翁嘗問高似孫曰此在都城見綵帛鋪榜曰  
翠色真紅殊不曉所謂紅而曰翠何也似孫曰  
嵇康琴賦曰新衣翠燦纓微流芳班婕妤自傷  
賦曰紛翠燦兮紈素聲翠燦取鮮明也東坡壯  
丹詩云一朶妖紅翠欲流益取鄉語放翁擊節  
大喜

陸務觀司馬公布被銘公孫丞相布被人曰詐司

馬丞相亦布被。人曰儉。布被可能也。使人曰儉不曰詐。不可能也。

姜夔

字堯章。趙子固目爲書家。申韓。

姜堯章居苕溪。與白石洞天爲鄰。潘德久號之曰白石道人。且畀以詩。云：世間官職似樗蒲。采到枯松亦大夫。白石道人新拜號。斷無繳駁任稱呼。姜谷詩云：南山仙人何所食。夜夜山中煮白石。世人喚作白石仙。一生費齒不費錢。仙人食

堯山堂外紀卷六十一

五

罷腹便便七十二峯生。肺肝

時姜與黃岩老同學詩於蕭千岩而

黃亦號白石。時稱雙白石。蕭名海藻。字東夫。姜其壻也。

小紅順陽公青衣也。有色。藝順陽公。請老姜堯章

詣之一日。授簡徵新聲。堯章製暗香疎影兩曲。

公使二妓肄習之音節清婉。堯章歸吳興。公尋

以小紅贈之。其夕大雪。過垂虹賦詩曰：自喜新

詞韻最嬌。小紅低唱。我吹簫曲。終過盡松陵路。

回首烟波十里橋。堯章每喜自度曲。吟洞簫小

紅輓歌而和之

姜堯章詩夜暗歸雲繞柁牙江涵星影鴈團沙  
人行帳望蘇臺柳曾與吳王掃落花楊誠齋喜誦  
之

嚴州烏石寺在高山上有岳武穆飛張循王俊劉

太尉光世題名劉不能書令侍兒代書姜堯章

題詩云諸老凋零極可哀尚留名姓壓崔嵬劉  
卽可是疎文墨幾點燕支浣綠苔

堯山堂外紀卷六十一

六

姜堯章詠蟋蟀齊天樂詞曰庾卽先自吟愁賦淒  
淒更聞私語露濕銅鋪苔侵石井都是曾聽伊  
處哀音似訴正思歸無眠起尋機杼曲由屏山  
夜涼獨自甚情緒西窓又吹暗語爲誰頻斷  
續相和砧杵候館吟秋離宮吊月別有傷心無  
數邠詩漫與笑籬落呼燈世間兒女寫入琴絳  
一聲聲更苦

史邦卿雙燕詞姜堯章極稱賞之謂曲盡形容  
之妙詞曰過春社了度簾幕中間去年塵冷差  
池欲住試入舊巢相並還相雕梁藻井又軟語  
商量不定飄然快拂花梢翠尾分開紅影芳  
徑芹泥雨潤愛貼地爭飛競誇輕俊紅樓歸晚  
看足柳昏花暝應自棲香正穩便忘了天涯芳  
信愁損翠黛雙蛾日日畫欄獨凭

史邦卿春雨綺羅香詞曰做冷欺花將煙困柳千

堯山堂外紀卷六十一

七

里偷催春暮盡日冥迷愁裏欲飛還住驚粉重  
蝶宿西園喜泥潤燕歸南浦最妨他佳約風流  
鈿車不到杜陵路沉沉江上望極還被春潮  
急難尋官渡隱約遙峯和淚謝娘眉嫵臨斷岸  
新綠生時是落紅帶愁流處記當日閑掩梨花  
剪燈深夜語此詞尤爲姜堯章拈出

高觀國

字賓王辭名竹屋癡語陳造爲序  
稱其與史邦卿皆是不經人道語

高竹屋詠轎街街行云藤筠巧織花紋細稱穩步

如流水踏青陌上雨初晴。嫌怕溼文鴛。雙履要人送上。逢花須住。纔過處。香風起。裙兒掛在。

簾兒裡更不把窓兒閉。紅紅白白。簇花枝。恰稱得尋春芳意。歸來時晚。紗籠引道。扶下人微醉。

高賓王聞鄰女吹笛賦風入松詞曰粉嬌曾隔翠簾看橫玉聲寒夜深不管柔荑冷。櫻朱度香噴雲鬟霜月搖搖吹落梅花款款驚殘。蕭郎且

效鳳簫閑何處驟鸞靜聽三弄霓裳罷。兔飛斷

堯山堂外紀卷六十一

愁裏闌山三十六宮天近。念奴却在人間。

劉過

字改之號龍洲以詩名江西厄於韋布放浪吳楚客食諸侯

嘉泰間劉改之至臨安時辛稼軒帥越聞其名遣

介招之適以事不及行作書歸輅者因倣辛體

賦沁園春一詞併緘往云斗酒彘肩風雨渡江

豈不快哉被香山居士約林和靖與東坡老駕

勒吾回坡謂西湖正如西子淡粧濃抹臨照臺

二人者都掉頭不顧只管傳盃白云天竺去來

看金壁崔嵬樓觀開。况一澗縈迂東西水遠兩  
山南北。高下雲堆逋。曰不然。暗香疎影。何似孤  
山先探梅。須晴去。訪稼軒未晚。且此徘徊。辛得  
之大喜。致餽數百千。竟邀之去。館燕彌月。酬倡  
疊疊。皆似之。逾喜。垂別。贈之千緡。曰。以是爲求  
田資。改之。歸。竟蕩於酒。不問也。常自以此辭語  
相臺。岳珂掀髯有得色。珂曰。詞語固佳。然恨無  
刀圭藥療君。白日見鬼症耳。坐中烘堂一笑。

堯山堂外紀卷六十一

九

辛稼軒一日開宴張敬夫

拭

在坐時方進羊腰腎

羹。適劉改之來見。辛命賦之。改之寒甚。索酒酒  
罷。乞韻。時飲酒手顫。餘瀝流於懷。因以流字爲  
韻。卽吟云。拔毫已付筦城子。爛胃曾封闕內侯。  
歿後不知身外物也。隨樽俎伴風流。辛大喜。共  
嘗此羹。席散。敬夫邀至公廨。求爲乃翁魏公發  
幽潛之章。卽題曰。背水未成韓信陣。明星已墮  
武侯軍。平生一點不平氣。化作祝融峯上雲。敬

夫爲之墮淚

開禧乙丑劉改之過京口時廣漢章以初升之東

陽黃幾叔機敷原王安世遇英伯邁皆寓是邦

暇日相與蹠奇吊古改之題多景樓有江流千

古英雄淚山掩諸公富貴羞之句又長篇曰金

焦兩山相對起不盡中流大江水一樓坐斷天

中央收拾淮南數千里西風把酒開來遊木葉

漸脫人間秋關河景物異南北神京不見雙流

堯山堂外紀卷六十一

十

淚君不見王勃詞華能蓋世當時未過庸人耳

翻然落托豫章游滕王閣中悲帝子又不見李

白才思真天人時人不省爲謫仙一朝放迹金

陵去鳳凰臺上望長安我今四海游將徧東歷

蘇杭西漢沔第一江山最上頭天地無人獨登

覽樓高意遠愁緒多樓乎樓乎柰爾何安得李

白與王勃名與此樓長突兀以初爲之大書囑

岳珂刻樓上會兵事起弟果

劉改之赴試別妾天仙子云別酒醺醺渾易醉。回  
過頭來三十里。馬兒不住去如飛。行一懃來堂  
一懃。斷送殺人山共水。是則是功名終可喜。  
不道恩情拋得未。梅村雪店酒旗斜去。也是佳  
也是煩惱自家煩惱你。

有持山水扇面求劉改之題者爲賦行香子云佛  
寺雲邊茅舍。山前樹陰中。酒旆低懸。峯巒空翠。  
溪水清漣。只欠桃花。欠沙鳥。欠漁船。無限風

堯山堂外紀卷六十一

十一

煙景趣天然。最宜他隱者盤旋。何人村墅。若箇  
林泉。恰似敲湖似榜口似斜川。

劉改之賦沁園春二首以咏美人之指甲與足咏  
指甲云銷薄春冰。碾輕寒玉。漸長漸彎。見鳳鞋  
泥汗。偎人強剔龍涎。香斷。撥火輕翻。學撫瑤琴。  
時時欲剪。更掬水魚鱗。波底寒。纖柔處。試摘花  
香滿。鏤棗成斑。時將粉淚偷彈。記縮玉曾教  
柳傳看。弄恩情相着。搔便玉體。歸期暗數。畫偏

關干每到相思。況吟靜處斜倚朱唇。皓齒間風  
流甚。把仙郎暗搯。莫放春閑。咏足云洛浦凌波。  
為誰微步。輕塵暗生。記踏花芳徑。亂紅不損步。  
苔幽砌嫩綠。無痕襯。玉羅慳銷金樣窄。載不起  
盈盈一段春嬉游倦。笑教人款捻微褪。些根  
有時自度歌聲。悄不覺微尖點拍頻。憶金蓮移  
換。文鴛得侶。繡茵催袞。舞鳳輕分。懊恨深遮。牽  
情半露。出沒風前。煙縷裙。知何似。似一鉤新月。

先山堂外紀卷六十一

十二

淺碧籠雲。

元人邵亨貞嘗謂其體調以咏美人之眉與目咏眉云巧關彎環鐵疑無

媚明裝未收。

似泣亭曉玩遙山拂翠宮簾暮捲

新月橫鈞掃黛濃。

全船訝錢能畫張即不自

由傷春倦為歎。

無加翻作嬌羞真來不

橫秋杵着得人。

間多少愁記魚箋緘答背人偷

斂鴈銚膠併運。

指輕揉有喜先占長顰難效柳

葉輕黃金在否。

雙尖躡試臨鸞一展依舊風流

咏目云漆點填。

眶鳳稍侵鬢天然俊生記隔花

瞥見踈星榻。

烟倚闌疑注止水盈盈端正窺簾

曹薦並枕押晚。

檀郎長是青端相久待媽然一

笑密意將成。

困酣曾被鶯鶯強臨鏡按抄猶

未醒憶帳中親。

見似嫌羅密尊前相顧翻怕燈

處是絞綃溫。

歌闌闕弄幾度孜孜頻送情難忘

易後

字彥章長沙人潭熙乙巳後釋褐狀元  
丁未湯壽為首元王容為狀元潭州建

三元坊

易彥章以優校為前廊久不歸其妻作一剪梅詞  
寄云染淚修書寄彥章貪却前廊忘却回廊功  
名成遂不還鄉石做心腸鐵做心腸紅日三  
竿懶畫粧虛度韶光瘦損容光相思何日得成  
雙羞對鴛鴦嬾對鴛鴦

蘇師旦將建節學士顏棫莫子純皆莫肯當制易

堯山堂外紀卷六十一

十三

彥章與師旦昵欣然願任責遂以國子司業兼  
兩制為師旦草麻極其諛佞至用前人舊對所  
為有文事有武備無智名無勇功者既宣布物  
論譁然亟擢彥章左司諫諸生為之語曰陽城  
毀裴延齡之麻由諫官而下遷於司業易後草  
蘇師旦之制由司業而上擢於諫官既而韓誅  
蘇得罪彥章遂遠貶

李壁

字季璋燾之子也第皇  
字季永蜀人比之三蘇

蜀中類試主司多私意與士人相約爲暗號李壁  
兄弟皆以文名一時而律賦非所長鄉人侯姓  
者以能賦稱因資之以潤色旣書卷不以示侯  
侯頗疑之將出門故少留候李出而踵其後至  
納卷所以小金牌與吏取視二李卷子策聯皆  
曰日射紅鸞羽風清白獸樽侯卽於己卷改用  
之旣而皆中選二李謝主司主司問此二句何  
爲又以與人二李恍然他日偶有所聞終身與  
堯山堂外紀卷六十一

十四

侯不協

徐淵子

號竹隱  
天台人

徐淵子好以詩文諧謔丁少詹與妻有違言乃棄  
家居茶寮山茹素誦經日買海物放生久而不  
歸妻患之祈徐譬解徐許諾出門見賣老婆牙  
者買一巨筐餉丁併遺以阮郎歸詞云茶寮山  
上一頭陀新來學者麼蝸。蚌。蟬。螭。與。烏。螺。知。他。  
放。幾。多。有。一。物。似。蜂。窩。姓。牙。名。老。婆。雖。然。無。

奈得它何如何放得它。丁見詞大笑而歸。

徐淵子初官戶曹其長方以道學自高每以輕銳抑之適其長以母歿去官淵子賦一剪梅詞云道學從來不則聲。行也東銘。坐也西銘。爺娘歿後更伶仃。也不看經。也不齋僧。却言淵子太狂生。行也輕輕。坐也輕輕。他年青史總無名。你也能亨。我也能亨。

徐淵子詩云俸餘擬辦買山錢。却買端州古硯磚。  
堯山堂外紀卷六十一  
十五

依舊被渠驅使在。買山之事定何年。後除直院劉改之賀啓云以載鶴之船載書。入覲之清標如此。移買山之錢買硯。平生之雅好可知。

徐淵子九日詩云衰容不似秋容好。坐上誰憐老孟嘉。牢裹烏紗莫吹却。免教白髮見黃花。時一朝士和云呼兒爲我整烏紗。不是無心學孟嘉。要摘金英滿頭插。明朝還是過時花。

徐淵子夜切廬山作小詞云風緊浪花生。蛟吼鼉

鴛家人睡着怕人驚。只有一翁捫虱坐。依約三更雪。又打殘燈。欲暗還明。有誰知我此時情。獨對梅花傾一盞。又詩成。

徐淵子晚歲得二子戴石屏以詩賀曰竹隱種竹知幾年。千竿萬竿長拂天。群飛不敢下棲止。常有清風凜凜然。丹穴飛來兩雛鳳。鳳來此竹爲之重。牙籤玉軸帶芸香。家藏萬卷爲渠用。人間豚犬不足多。我來爲作徐卿二子歌。手傳竹隱堯山堂外紀卷六十一

十六

文章印看取他日官職高差幾

郢州有白雪樓唐時崔郢州館孟浩然于樓上遂有浩然亭後人尊浩然改爲孟亭徐淵子與戴石屏同登約各賦一詩必以宋玉石對莫愁村徐詩云水落方成放牧坡。水生還作浴鷗波。春風自共桃花笑。秀色偏於麥壠多。村號莫愁勞想像。石名宋玉漫摩挲。試將有袴無襦曲。翻作陽春白雪歌。戴詩云樓名白雪因詞勝。千古江

山春雨餘。宋玉遺蹤。兩蒼石。莫愁居處。一荒墟。  
風橫烟艇。客呼渡。水落沙洲。人網魚。借問風流  
賢太守。孟亭添得野夫無。

戴復古

字式之。號石屏。學詩於徐竹隱。又登陸放翁之門者。

戴石屏嘗見夕照映山峯。巒重疊得句云夕陽山  
外山。自以爲奇。欲以塵世夢中夢對之。而不慙  
意。後行村中。春雨方霽。行潦縱橫。得春水渡。傍  
渡之句。以對上下。始相稱。

堯山堂外紀卷六十一

十一

戴石屏織女詩云。春蠶成絲。復成絹。養得夏蠶重  
剝繭。絹未脫。軸擬輸官。繭未脫。車圖贖典。一春  
一夏。爲蠶忙。織婦布衣。仍布裳。有布得着。猶自  
可。今年無麻。愁殺我。

戴石屏薄遊江西。有富家翁。愛其才。以女妻之。居  
二三年。忽欲作歸計。妻問其故。告以曾娶妻白  
之父。父怒。妻宛曲解。釋盡以奩具。贈行。仍餞以  
詞云。惜多才。憐薄命。無計可留汝。揉碎花殘。忍

寫斷腸句道傍楊柳依依千絲萬縷抵不住一分愁緒捉月盟言不是夢中語後回君若重九不相忘處把杯酒澆奴墳土石屏既別遂赴水

成世俗有諺辭云孫飛虎好色柳盜跖貪財這賊牛兩般都愛石屏之謂也

嚴羽

字儀卿號滄浪戴石屏同時其論詩欲如那叱太子折骨還父折肉還母

嚴滄浪聞笛詩云江上誰家吹笛聲月明霜白不堪聽孤舟萬里瀟湘客一夜歸心滿洞庭

袁樵

堯山堂外紀卷六十一

十八

宋時西湖三賢堂兩處皆有東坡其一在孤山竹閣三賢者白樂天林君復蘇子瞻也其一在龍井壽聖院三賢者趙閱道僧辯才蘇子瞻也寶慶間袁樵尹京移竹閣三賢祠於蘇堤建亭館以沽官酒或題詩云和靖東坡白樂天三人秋菊薦寒泉而今滿面生塵土却與官司趁酒錢袁聞之愧而止

姚鏞

字希聲剡人自號雪蓬戴石屏忘年友也

姚鑪判吉州以平寇論功不數年擢守章貢嘗令  
畫工肖其像跨牛於澗谷間索郡人趙時習題  
詩時習題云騎牛無笠又無簑斷隴橫岡到處  
過暖日暄風不常有前村雨暗却如何無何忤  
帥臣以貪劾之時端平更化之初特重施行貶  
衡陽人皆服時習先見

曹叟

字西士號東畝官待制與王萬郭磊  
卿徐清叟俱赴直聲號嘉熙四諫

曹東畝赴省試陸行良苦作紅窓迥詞自慰其足  
堯山堂外紀卷六十一 十九

云春闈期近也望帝鄉迢迢猶在天際懊恨這  
一雙脚底一日廝趕上五六十里爭氣扶持  
我去轉得官歸恁時賞你穿對朝靴安排你在  
轎兒裡更選對弓樣鞋夜間伴你

趙南仲以誅李全功見忌于鄭清臣史揆每左右  
之得留于朝其後恢復事起遂分委邊面赴鎮  
之日朝紳置酒以餞適有呈綠竿伎者曹東畝  
賦詩云又被鑼聲送上竿這番難似舊時難勸

君着脚須教穩。多少傍人冷眼看。未幾師果不競。

卓田

字稼翁建陽人能賦馳聲

卓稼翁題蘇小樓辭云丈夫隻手把吳鉤。欲斷萬人頭。因何鐵石打成心性。却為花柔。君看項籍并劉季。一怒使人愁。只因撞着虞姬戚氏。豪氣都休。

卓稼翁送人赴上庠賦昭君怨曰千里功名岐路。

堯山堂外紀卷六十一

二十

幾緡英雄草履。八座與三台箇中來。壯士寸心如鐵。有淚不霑離別。劍未斬樓蘭。莫空還。

劉克莊

字潛夫號後村丞相鄭清之奏賜進士出身

劉潛夫初學晚唐少時作十老詩其老將云昨解

兵符歸故里。耳聽邊事幾番新。偶逢麾下猶識。欲說遼陽記不真。兒覓寶刀偏愛惜。奴吹蘆管輒悲辛。夜寒不作關山夢。萬一君王起舊人。老妓云籍中歌舞昔馳聲。憔悴猶存態與情。愛。

說舊官當日寵偏呼狎客。小時名薄髮已脫梳。  
難就半被長空睡不成。却羨隣姬門戶熟。隔墻  
張燭到天明。老儒云向來歲月雪螢邊。老去生  
涯井臼前。舉孝廉科非復古。給靈壽杖定何年。  
空蟠萬卷終無用。專巧三場恐未然。猶記兒時  
聞緒論。白頭不敢負師傳。老吏詩云少諳刀筆  
老尤工。舊貫新條問畧通。鬪智固應雄鷲輩。論  
年亦合作狙公。孫魁明有堪瞞處。包老嚴猶在  
堯山堂外紀卷六十一

二二一

套中。祇恐閻羅難抹過。鐵鞭他日鬼

紅。鐵鞭打鬼

臀用章子厚語

劉潛夫長相思詞云朝有時。暮有時。潮水猶知日  
兩回。人生長別離。來有時。去有時。燕子猶知  
社後歸。君行無定期。又風蕭蕭。雨蕭蕭。相送津  
亭折柳條。春愁不自聊。烟迢迢。水迢迢。準擬  
江邊駐畫橈。舟人頻報潮。

劉潛夫別意清平樂云休彈別鶴淚與絃俱落歡

事中年如水薄懷抱那堪作惡昨宵月露高樓  
今朝烟雨孤舟。除是無身方了。有身長有閑愁。  
豫章有徐孺子亭官司鬻民賣酒其間劉潛夫題  
詩云孺子亭前插酒旗。遊人那解薦江離。白鷗  
欲下還飛起。曾見當年解榻時。帥聞之亟令住  
賣

劉後村書所見絕句云新剝闍黎頂尚青滿村聽  
講法華經那知世有彌天釋萬衲如雲座下聽  
堯山堂外紀卷六十一  
二十二

又云刮膜良方直萬金國醫曾費一生心誰知  
鬢髻携籃者也有盲人問點鍼又云黃童白叟  
往來忙負鼓盲翁正作場歿後是非誰管得滿  
村聽說蔡中郎

王邁

字實之號耀菴莆陽人  
時以爲元龍太白流人

王邁丁丑第四人及第劉後村賀啓云聲名早著  
不數王香之無雙科目小低猶壓杜牧之第五  
元化孕此五百年之間氣同輩立于九萬里之

下風。又云朱雲折檻諸公慙請劍之言。陽子哭庭干載壯裂麻之語。又贈之辭云天壤王郎數人物。方今第一談笑裡。風霆驚坐雲烟生。筆落元龍湖海氣。琅琅董相天人策。其重之如此。

楊平舟棟以樞掾出守莆陽。劉潛夫兄弟俱以史

官里居郡集寓公王臞軒漢戲之云大編修小

編修同赴編修之會。潛夫云欲屬對不難不可

見怒王願聞之。乃云前通判後通判。但聞通判

堯山堂外紀卷六十一 二二三

之名。蓋王允五得倅而不上云。王又嘗折劉名

調之云。十兄二十年前何其壯。二十年後何其

不壯。劉應之曰。二兄二十年前何其遇。二十年

後何其不遇。王同郡有林叔弓者亦善朝。謔延平張又少負才。其人眇小而好作

為林以其名字作詩賦各一首。朝之賦有云。身材短小。欠曹交六尺之長。腹內空虛。乏劉又一點之墨。詩有云。身分分交兩段。風使十橫斜。文上元無分人前強出此。

趙孟堅字子固號彞齋居士寶慶初進士修雅博識人比米南宮

趙子固酷嗜法書多藏三代以來金石名蹟。周公

趙子固酷嗜法書多藏三代以來金石名蹟周公

謹嘗邀子固各攜所藏放舟湖上相與評賞飲

酣子固脫帽以酒晞髮箕踞歌離騷旁若無人

薄暮入西冷掠孤山艤棹茂樹間指林麓最幽

處瞪目絕叫曰此是洪谷子董北苑得意筆也

鄰舟數十皆驚歎以爲真謫仙人

周公謹名密居齊之東作

書曰齊東野語後來杭居癸辛街書名癸辛雜識泗水出山東魯縣號泗水潛夫又嘗居華不

注之陽號弁陽老人以周子窓前草不除號草窓

趙子固嘗得姜白石所藏定武不損本禊帖乘舟

堯山堂外紀卷六十一

二十四

夜沉而歸行至雪之昇山風起舟覆行李樸被

皆淪溺無餘子固方披濕衣立淺水中手持襖

帖語人曰蘭亭在此餘不足問也因題於卷首

云性命可輕至寶是保

龔孟錫

咸淳末慶元秋試兩浙運司幹官臨川龔孟錫爲

考官龔道出慈谿忽夢有人以盃湯飲之且作

四字於掌中曉起便覺目視眈眈及入院發策

第一道中誤以一祖十三宗爲十四宗于是士  
子大闕徑排試官房舍悉遭箠辱至有負笈而  
逃者龔偶得一兵負去而免劉制使良貴親至  
院外撫諭遂權宜以策題第二道爲首篇續撰  
其三爰之始定于是好事者作隔聯云龔運幹  
出題䟽脫以十三宗作十四宗劉制使下院調  
停用第二道爲第一道明年秋度宗賓天于是

十四宗之語遂驗

度宗崩幼君諒陰榜第一名  
王龍潭第二名路萬里三名

完山堂外紀卷六十一

二十五

胡幼黃行都爲之語曰龍在潭飛不  
得萬里路行不得幼而黃醫不得

晉陵蔣仲舒編

宋

韓侂胄

字昴夫琦七世孫也封平原郡王顏

械草制言其得聖之清易祓撰答詔以元聖褒之四方投書獻頌者謂伊霍旦奭不足以擬其勲有稱為我王者

韓平原在慶元初其弟仰胄為知閤門事頗與密

議時人謂之大小韓求捷徑者爭趨之一日內

燕優人有為衣冠到選者自叙履歷材藝應得

堯山堂外紀卷六十二

美官而留滯銓曹徘徊浩歎又為日者弊帽持

扇過其旁邀使談庚甲問得祿之期日者厲聲

曰君命甚高但於五星局中財帛宮若有所礙

目下若欲亨達先見小寒更望成事必見大寒

可也優蓋以寒為韓侍燕者皆縮頸匿笑時有

宗室就試南宮者題詩客邸云寒衝衝風怯曉

寒也隨舉子到長安路人莫作親王看姓趙如

今不似韓

韓侂胄既逐趙汝愚至衡州暴卒或謂中毒云大  
學生教陶孫賦詩于三元樓壁云左手旋乾右  
轉坤如何群小恣流言狼胡無地居姬旦魚腹  
終天吊屈原一死固知公所欠孤忠幸有史長  
存九泉若遇韓忠獻休說如今有末孫陶孫方  
縱筆飲未一二行壁已昇去陶孫知必為韓所  
廉頃之捕者至矣急更衣持酒具下樓與捕者  
交臂問款上舍在否對曰方酣飲亟亡命走閩  
堯山堂外紀卷六十二

侂胄敗乃登第一

陶孫字器之號臞庵懷才拔  
氣嘗有詩云蟠胸三萬卷落

筆五  
千言

嘉太四年火及太廟而韓侂胄府獨全蓋殿帥馮  
時力為撲護耳洪舜俞詩云殿前將軍猛如虎  
救得汾陽令公府祖宗神靈飛上天可憐九廟  
成焦土

韓侂胄嘗以冬月携家遊西湖遍覽南北兩山之  
勝末乃置宴南園族子判院與焉有獻牽絲傀儡

偶為土偶負小兒者名為迎春黃胖韓顧放子

詠之卽賦一絕云脚踏虛空手弄春一人頭上

要安身忽然綫斷兒童手骨肉都為陌上塵

佞曹佛然不終宴而歸未幾禍作弟也不敏與錢

唐名娼盼奴甚洽久之不敏日益貧盼奴周給

之使駕于業遂捷南省得官授襄陽府司戶赴

官三載想念成疾而卒有祿俸餘貲囑判院均

分之一以贍判院一以送盼奴且言盼奴有妹

小娟俊雅能詩可謀致之佳耦也判院至錢塘

則盼奴一月前死矣小娟亦以於潛官絹誣攀

繫獄俸從獄中召出詰之曰汝誘商人官絹百

疋何以償之小娟叩頭言此亡姊盼奴事乞賜

堯山堂外紀卷六十二

周旋倖喜其辭宛順以趙司戶所寄付之小娟  
折書惟一詩云當時名妓鎮東吳不好黃金只  
好書借問錢塘蘇小小風流還似大蘇無小娟  
得詩默默俸索和援筆書云君住襄江妾住吳  
無情人寄有情書當年若也來相訪還有於潛  
絹也無倖大喜盡以所寄物與之免其償絹且

為脫籍

歸判院偕老焉  
韓平原甲第罪逐後改為寺監齋舍生有題二絕

于壁曰掀天聲勢秣冰山廣厦空餘十萬間若

使早知明哲計肯將富貴博清閑花柳依然弄

曉風才郎袖手去無蹤不知郿塢金多少爭似

盧門席不重

兩詩皆用董卓廊塢事

初佗胄擅權日一時獻佞者皆稱師王叅知政事  
錢象祖嘗諫用兵與有隙史彌遠因與合謀既  
得罷相之旨遂私謀批殺之寧宗實不知也都  
下語曰釋伽佛中間坐胡漢神立而傷文殊普  
賢自闢象祖打殺獅王聞者絕倒

京堂

字仲遠漢魏郡太守房之後晚得宋齊丘宅扯古松百章自號松坡居士韓侂

乃引以自助

堯山堂外紀卷六十二

四

上元前一日立春京仲遠賦漢宮春詞曰暖律初  
回又燒燈市井賣酒樓臺誰將星移萬點月滿  
千街輕車細馬隘通衢蹴起香埃今歲好土牛  
作伴挽留春色同來不是天公省事要一時  
壯觀特地安排何妨綵樓鼓吹綺席樽罍良宵  
勝景語邦人莫惜徘徊休笑我痴頑不去年年  
爛醉金釵

光堯之喪金遣使弔祭以京仲遠為報謝使金錫

燕汴亭仲遠與郊勞使康元弼言請免燕不許  
請撤樂亦不許至期虜促入席傳呼不絕仲遠  
趨退復位甲士露刃閉門仲遠排闥而出元弼  
等以聞其至仲遠留館俟命賦詩曰昂湖龍馭  
去無蹤三遣行人意則同凶禮強更為吉禮夷  
風終未變華風設令耳與笙鏞末只願身縻昂  
鑊中已辦滯留期得請不辭築館汴江泉越七  
日竟獲免樂之命

堯山堂外紀卷六十二

五

歐陽修謚文忠京鏜亦謚文忠初謚文穆時有無  
名子作詩曰一在廬陵一豫章文忠文穆兩相  
望大家吹上梧桐樹自有傍人說短長

趙師昇

字從善號東墻趙千里姪也昇卽古  
擇字觀其字曰從善蓋取擇其善者

而從之義也尹京時有  
政聲戮杭州姦僧尤奇

趙師昇於儀真拂雲亭有詩云落得公餘半日閑  
拂雲臺榭許躋攀眼前好景真如畫柳外人家  
江外山又道中詩云儀真樽酒賞花時比著江

南已較遲及至儀真花盡謝都梁纔見開新秋  
語意流麗是為佳作

慶元初趙師巽為臨安尹嘗請畫以西湖為放生  
池作亭池上求國子司業高炳如文虎為記高  
故博洽疾時文浮誕痛抑之以此失士子心會  
記中有鳥獸魚鼈咸若商曆以興既已銀之石  
本流傳殆不可掩改商為夏痕刻猶存輕薄子  
作詞以譴之云高文虎稱伶俐萬苦千辛作箇  
堯山堂外紀卷六十二

六

放生亭記從頭無一句說着官家盡把太師歸  
美這老子忒無廉耻不知潤筆能幾夏王却作  
商王只怕伏生是你

韓平原南園中有所謂村莊者竹籬茅舍宛然田  
家氣象平原嘗游其間甚喜曰撰得絕似但欠  
鷄鳴犬吠耳既出莊游他所忽聞莊中鷄犬聲  
令人視之乃趙師巽所為也平原大笑益親愛  
之其後侂胄敗有贈之譁詞曰堪笑明庭鴛鴦

甘作村莊犬鷄。一日冰山失勢。湯燔鑊。莫刀割。

又曰侍郎自號東墻。曾學犬吠村莊。今日不須。

搖尾。且尋土洞深藏。周公謹辨此事乃太學生

佻胄南國有沉香山高五丈立之凌風閣下乃

枯拊耳賦詩云舊事淒涼尚可尋斷碑開卧草

深深凌風閣下搓牙

樹當日人疑是水沉

史彌遠丞相浩之子

史浩與覺長老善一日浩坐廳上儼然見覺突入

堂中使人往寺廉之則報覺死矣茶頃浩後院

堯山堂外紀卷六十二

弄璋浩然知為覺也遂以覺為小名及長名

之曰彌遠後相兩朝二十六年權震海內時有

人作詩規之者曰前身元是覺閣黎業障紛華

總不迷到此更須睜隻眼好將慧力運金甌

開禧間韓侂胄以用兵起釁中外憂恚史彌遠定

計擁至玉津園側擊殺之命臨安府函其首詣

金人求和建陽劉淮為之詩云寶蓮山下韓王

府鬱鬱沉沉深幾許主人飛頭去和虜綠戶雕

窓鎖風雨九世卿家一朝覆太師宜誅魏公辱  
後車不悟有前車兀突眼中觀此屋高九萬詩  
云拂曉官家簿錄時未曾吹徹玉參差傷人不  
忍聽鸚鵡猶向金籠喚太師

史彌遠比周楊后出入宮禁外議甚譁有人作詠  
雲詞譏之云往來與月為儔舒卷和天也蔽及  
廢濟王而殺之也甚寃劉克莊有詩譏之云楊  
柳春風丞相府梧桐夜雨濟王家

先山堂外紀卷六十二

八

史彌遠初反韓侂胄所為時頗稱治及濟王不得  
其死論者紛起遂專任檢壬以居臺諫李知孝  
梁成大等為之鷹犬搏擊善類士流無耻者多  
以鑽刺進秩宮宴時有伶人執拳石以大鑽鑽  
之久而不入嘆曰鑽之彌堅一伶遽扑其首曰  
汝不去鑽彌遠却來鑽彌堅可知道鑽不入也

舉座弁栗翌日彌遠杖伶人而出之境

又蜀閬  
大宴有

優為衣冠者數輩皆稱為孔門弟子相與言吾  
齊皆選人遂各言其姓曰吾為常從事吾為子

從此吾為吾將仕吾為路文學別有二人出曰  
吾宰予也夫子曰於予與改可謂僿倖其一曰  
吾顏回也夫子曰回也不改其人憤然曰吾為  
回糾之首而不改汝何為獨改宰子曰吾鑽遂  
改汝何不鑽回曰吾非不鑽而鑽堅  
耳曰汝之不改宜也何不鑽稱遠乎

史彌遠欲占育王寺地作墳眾僧俯首莫敢誰何  
有一小僧曰我有一策阻之作偈云寺前一塊  
地常有天子氣丞相要作墳不知主何意用是  
題於通衢史意遂息

史彌遠死已久一夕其家聞叩門聲曰丞相歸舉  
堯山堂外紀卷六十二

九

家駭匿比入門燈轎紛紛升堂即席子婦皆出  
羅拜訊慰平生歷歷囑家事索紙筆題詩云冥  
路茫茫萬里雲妻孥無復舊為羣早知泡影須  
史事悔把恩讐抵死分

鄭清之

安晚先生

鄭清之在太學十五年殊困滯無聊及試青紫明  
主恩詩押明字短晷逼暮思索良艱漫檢韻中

有頰字可押遂用為未句云也年蒙屋澤方玉

帶圍顏歸為同舍道之皆大笑曰綠衫尚未能  
得着乃妄思繫玉乎已而中選攀附史彌遠官  
至極品竟賜玉馬遂成吉讖

宋時臨安三學之橫盛於景定淳祐之間鄭清之  
當國議行諸州各試之法以散遊學之士於是  
相率而去作文告先聖曰斯文將喪嗚呼天乎  
吏議逐客嗚呼人乎乘桴浮海嗚呼聖乎逐世  
無悶嗚呼士乎敢告又作詩云塞翁何必恨失

堯山堂外紀卷六十二

十

馬城火可憐殃及負一笑出門天萬里檐頭猶  
有斥姦書又詩云鄭五不去國金陵深誤君校  
存知必毀書在已如焚自是清流禍非干北黨

分歸歟雖幸矣恨未效朱雲

大學古語云有髮頭陀寺無官御史

臺言其清苦而顛亮也嘉定以後妓飲酣沉黃  
白錯落樞門要路陽為矯激陰則附麗而徒以  
捷吻劇舌唯黃國是去古語遠矣時有詔禁士  
疾不得用青涼傘多以早絹為之有題一絕于  
朝天門曰冠蓋如雲自古然易青為阜且從樞  
中原多少黃羅織何不多多出賞錢聞者啓齒  
後遂盡用黑油繳馬又車駕饗景靈宮太學武  
學宗學諸生具在禮部前迎駕有作十七字詩

曰駕幸是靈宮諸生畫齋躬身自身上白米雞  
蓋識其幘頭襪服歲縻縻祿不得出身年年迎  
也

王荆公詠北高峯塔云飛來峯上千尋塔聞說鷄  
鳴見日升不畏浮雲遮望眼自緣身在最高層  
鄭清之詠六和塔云經過塔下幾春秋每恨無  
因到上頭今日始知高處險不知歸卧舊林丘  
二詩皆自喻荆公作於未大用前安晚作於既  
大用後然卒皆如其意

堯堂山外紀卷六十二

十一

馬光祖號裕齋人謂光祖尹臨安  
猶之包孝肅尹開封云

淳祐間史嵩之入相以二親年耄慮有不測預為  
起復之計時馬光祖未卒哭起為淮東總領許  
堪未終喪制起為鎮江守臣里巷為十七字謠  
曰光祖做總領許堪為節制丞相要起復援例  
寶祐間馬裕齋尹臨安不畏貴戚豪強庭無留訟  
福王府訟民不入賃房錢民云房漏裕齋判云

晴則鷄卵鴨卵雨則盆滿鉢滿福王若要房錢

直待光祖任滿唐裴諤為河南尹有投牒誤書紙背諤判云這畔似那畔那畔似這畔我也不辭與你判笑殺門前着靴漢又婦人同投狀爭貓兒狀云若是兒貓兒訴大笑判其狀曰貓兒不識主偷家搗老鼠兩家不須爭將來與裴諤遂納其貓兒爭者亦止

馬裕齋尹臨安日有士子踰牆盜入室女事覺到

官裕齋試踰牆樓處子詩士人秉筆云花柳平生債風流一段愁踰牆乘興下處子有心樓謝

砌應潛越韓香許暗偷有情生愛慾無語強嬌

堯山堂外紀卷六十二

十二

羞不負秦樓約安知漢獄囚王顏麗如此何用讀書求裕齋喜甚卽判一減字木蘭花詞云多情多愛還了平生花柳債好箇檀郎室女為妻也合當傑才高作聊贈青蚨三百索燭影搖紅記取冰人是馬公遂令女歸生且厚贈之

方岳

字巨山歙人號秋崖賈似道號秋壑時人有秋崖秋壑一般秋之語初為趙丞相幕容趙父名方乃改姓萬既而又為丘岳端明屬於是復改名為萬山

方焮崖除夜小盡生日辭曰今朝二十九明日初

一怎欠箇秋崖生日。客中情緒。老天知道。這月  
不消三十。春盤繡翠。春缸搖碧。便泥做梅花  
消息。雪邊試問。是耶非。今夕不知何夕。

方秋崖客中遇新雪賦一剪梅詞曰誰剪輕瓊做  
物華春遠天涯水遠天涯園林曉樹恁橫斜道  
是梅花不是梅花 宿鷺聯拳倚斷槎昨夜寒  
些今夜寒些孤舟蓑笠釣烟沙待不思家怎不  
思家

堯山堂外紀卷六十二

方秋崖以諫去國高九萬贈詩云忠言歷歷未曾  
行畫載圖書出帝京餘子但知才可忌先生當  
以去為榮門闌竹石關心文部曲溪山照眼明  
長嘯歸餘莫惆悵浙江風定自潮平

謝方叔

字惠國淳祐末與  
吳潛為左右丞相

謝方叔自寶祐免相歸江西寓第壬申正月公薨  
居無他忽報雙鶴相繼而斃公喟然嘆曰鶴既  
仙化余亦從此遊矣於是區處家事凡人負

券一切焚之沐浴朝衣焚香百望關過拜次詣家  
廟祝白招親友從容叙別遂大書偈曰罷相歸  
來十七年燒香禮佛學神仙今朝雙鶴催歸去  
一念無慙對越天瞑目靜坐須臾而逝

吳潛

字毅甫號履齋  
嘉定丁丑狀元

吳履齋和吳夢窓

文英

賦梅調寄聲聲慢云挨晴

撥暖載酒呼朋夷猶東園西園綠萼枝頭兩三  
初破輕寒平生自甘寂寞占冷妝不為人妍林

堯山堂外紀卷六十二

十四

逋去問影疎香暗誰賦其間空想故山奇事正  
烟橫嶺曲月浸溪灣杏錯挑訛那時青子都圓  
惟曉夢窓知處對翠禽依約神仙休引角怕征  
人淚落塞邊

吳履齋贈建寧妓唐玉賀新郎詞云可意人如玉  
小簾櫳輕勻淡竚道家粧束長恨春歸無尋處  
全在波明黛綠看冶葉倡條渾俗比似江梅清  
有韻更臨風對月斜依竹看不足詠不足曲

屏半掩春山簇。正輕寒夜永。花睡半歌。殘燭。縹  
渺九霞光裡。夢香在衣裳。騰馥。又只恐銅壺聲  
促。試問送人歸去後。對一奩花影。垂金粟。腸易  
斷情難續。

吳履齋為人豪雋。在相位。其兄弟多以附麗登庸。  
賈似道與隙。遂為飛謠于上。曰大蜈公。小蜈公。  
盡是人間業。毒蟲。黃緣攀附百虫叢。若使飛天  
能食龍。語聞謫循州。中毒死後。

堯山堂外紀卷六十二

顯璧云。去年秋。今年秋。湖上人家樂。復憂西湖  
依舊流。吳循州賈循州十五年間一轉頭。人  
生放下休。

賈似道

字師憲。台州人。少落魄。遊博會。其姊

朱某者。以劄于賈稱頓首。萬拜。因號朱萬拜。

賈似道初入相。有人作詩云。收拾乾坤一擔擔。上  
肩容易下肩難。勸君高着擎天手。多少倚人冷

眼看。

賈似道嘗作堂曰半閒。每治事畢則入堂中打坐。有佞人上糖多令詞大稱其意。其詞曰：天上謫星班，青牛度關。幻出蓬萊新院宇，花外竹。竹。山。軒冕倘來間。人生閒最難。筭真閒不到人間。一半神仙先占取，留一半與公閒。

賈似道欲行富強之策。是時劉良貴為都曹尹。天府吳勢卿餉淮東。入為浙漕。遂交贖公田事。欲先行之浙右。侯有端緒。則諸路倣行之。于是以堯山堂外紀卷六十二

十六

官品限田。立回買。派買之目。民間騷然。有為詩云：襄陽累載困孤城，秦養湖山不出征。不識咽喉形勢地，公田枉自害蒼生。其後又立推排打量之法。白沒民產。有人作詩云：三分天下二分亡。猶把山川寸寸量。縱使一坵添一畝。也應不似舊封疆。又有作沁園春詞云：道過江南泥墻粉壁。右具在前。述何縣何鄉。里住何人。地佃何人。田氣象蕭條。生靈憔悴。經界從來未必然。唯

何甚為官為已不把人憐  
思量幾許山川况  
土地分張又百年西蜀巉巖雲迷鳥道而淮濟  
野日驚狼烟宰相弄權姦人罔上誰念干戈未  
息肩掌大地何須經理萬取千馬

御史陳伯大奏立士籍似道毅然行之凡應舉及  
免舉人州縣給曆一道親書年貌世系及所肄  
業于曆首執以赴舉過省叅對筆跡異同以防  
偽濫時人有詩譏之云戎馬掀天動地來襄陽

堯山堂外紀卷六十二

十七

幾處哭聲哀平章束手全無策却把科場惱秀  
才又有詞云士籍令行條件分明逐一排連問  
子孫何習父兄何業明經詞賦右具如前最是  
中間娶妻某氏試問于妻何與馬鄉保舉那當  
著押開口論錢祖宗立法于前又何必更張萬  
萬千筭行開改會限田放糴生民凋瘵膏血俱  
脫只有士心僅存一脉今又艱難最可憐誰作

爾東豎伯大附勢專權

賈似道令人販鹽百艘至臨安太學生有詩云昨

夜江頭湧碧波。滿船都載相公醪。雖然要作調

羹用。未必調羹用。許多賈聞之遂以士人付獄

賈似道開閩日有挑符一聯云。笑迎珠履三千客

坐擁貔貅百萬兵。人皆稱羨一客獨笑曰。若是

則客居主位矣。何不曰坐擁貔貅百萬。笑迎

珠履客三千。賈大喜厚贈之。他如威行塞北幾千里春滿淮南第

一州陽春膏雨三千里明月香風十二樓皆門客所語獻者

堯山堂外紀卷六十二

十八

賈似道一日招馬廷鸞。夢鼎飲行令舉一物與

人還。詩一聯似道云。我有一局棋。付與棋師。棋

師得之。予我一聯詩。自出洞來無敵手。得饒人

處且饒人。廷鸞云。我有一竿竹。付與漁翁。漁翁

得之。予我一聯詩。夜靜水寒魚不食。滿船空載

月明歸。夢鼎云。我有一張犁。付與農夫。農夫得

之。予我一聯詩。但存方寸地。留與子孫耕。似道

不悅而罷。

賈似道偶遷居湖山有一蜀僧檻樓徘徊其側賈  
問之曰汝為何僧對曰某詩僧也賈適見湖中  
有漁翁遂命賦之僧請韻賈以天字為韻僧應  
口對曰籃裏無魚欠酒錢酒家門外繫漁船幾  
回欲脫蓑衣當又恐明朝是雨天賈喜厚贈之  
廖瑩中賈似道門客也嘗撰福華編以紀鄂功八  
月八日似道生辰瑩中獻木蘭花慢云請諸君  
着眼來看我福華編記江上秋風鯨鯨漲雪鴈

堯山堂外紀卷六十二

十九

徵迷烟一時幾多人物且我公隻手護山川爭  
覩階符瑞象又扶紅日中天因懷下走奉橐

韃磨盾夜無眠知重開宇宙活人萬萬合壽千  
千鳧鷺太平世也要東還赴上是向年消得清  
時鍾鼓不妨平地神僊又郭居安聲聲慢云捷  
書遶畫甘洒通宵新來喜沁堯眉許大擔當人  
間物力須彌年年八月八日長記他三月三時  
平生事想祇和天語不遣人知一片閒心鶴外

被乾坤繫足。虹玉腰圍。閭闔雲邊。西風萬籟吹。  
齊歸舟更歸何處。是天教家在蘇堤。千千歲。比  
周公多箇綵衣。且侑以儷語云。綵衣宰輔。古無  
一品之曾。參袞服。湖山今有半閒之姬旦。時似  
道母猶在養。所謂三月三者。蓋頌其庚申嶺草  
坪之捷而歸州乃舫齋名也。賈大喜既而語客  
曰。此詞固佳。然失之大俳。安得有着綵衣周公  
乎。

堯山堂外紀卷六十二

二十

賈似道有異志。有一術士能拆字。賈以策畫地作  
奇字與之。拆術者曰。公相之志不諧矣。道立。又  
不可道可。又立不成。公默不語禮而遣之。恐泄  
其事。使人害諸途。

有富春子善風角。鳥占賈秋壑招之一日。叩以飲  
食之事。密寫緘封。明日賈宴客湖舟。至暮。賈立  
船頭。歌月明星稀。鳥鵲南飛之句。廖瑩中言日  
已晚。可拆書觀之。諸事不及。唯有月明星稀。鳥

鵲南飛八字衆皆驚賞

賈似道嘗齋雲水千人其數已足有一道士衣裾  
襪襖至門求齋主者以數足不肯引八道士堅  
求不去不得已于門側齋焉齋罷覆其鉢于案  
而去衆將鉢刀舉之不動啓于似道自往舉之  
乃有詩二句云得好休時便好休收花結子在  
綿州始知真僊降臨而不識也後死木綿菴此  
其兆云

堯山堂外紀卷六十二

廿一

文及翁

字時學號本心綿州人文山通譜

文及翁登第後期集遊西湖一同年戲之曰西蜀

有此景否及翁卽席賦賀新郎云一勺西湖水  
渡江來百年歌舞百年酣醉回首洛陽花世界  
烟渺黍離之地更不復新亭墮淚簇樂紅粧搖  
畫舫問中流擊楫何人是千古恨幾時洗余  
生自負澄清志更有誰蟠溪未遇傅岩未起國

事如今維倚犬衣帶一江而已便都道波神甚

恃借問孤山林處士但掉頭笑指梅花蕊天下  
事可知矣。

理宗朝嘗欲舉行推回畝田之令有言而未行至  
賈似道當國卒行之文及翁作百字令詠雪以  
譏之云沒巴沒鼻然時間做出漫天漫地不問  
高低併上下平白都教一例鼓弄滕六招邀巽  
二只恁施威勢識他不破至今道是祥瑞最  
苦是鵝鴨池邊三更半夜誤了吳元濟東郭先

堯山堂外紀卷六十二

廿二

生都不管挨上門兒穩睡一夜東風三竿紅日  
萬事隨流水東皇笑道山河原是我的。

文本心典淮郡蕭條甚謝賈相啓有云人家如破  
寺十室九空太守若頭陀兩粥一飯

葉李

字太白宋亡入元上書獻鈔  
武世皇嘉納遂為至元鈔

賈似道當國時行公田關子兩法民間苦之葉李  
時為太學生上書力詆似道怒嗾林德夫告葉  
泥金飾齋扁不法令獄吏鞫之云只要你做一

箇麻糊葉卽口占一詩曰如今便一似麻糊也  
是人間大丈夫筆裏無時那解有命中有處未  
應無百千萬世傳名節二十三年非故居寄語  
長安朱紫客盡心好上帝王書遂遭黥流嶺南  
及放還似道謫漳州相遇諸途葉以詞贈云君  
來路吾歸路來來去去何時住公田関子竟何  
如國事當時誰汝誤雷州戶崖州戶人生會有  
相逢處客中頗恨乏蒸羊聊贈一篇長短句

堯山堂外紀卷六十三

晉陵蔣仲舒編

宋

江萬里

字子遠元人破襄陽時鑿池芝山後  
圃扁其亭曰止水饒州破赴止水灰

馬遠嘗畫三教圖釋迦中坐老子儼立于傍孔子  
乃作禮於前蓋內瑞故令作此以侮聖人也理  
宗詔江子遠作贊子遠贊云釋氏趺坐老聃傍  
睨惟吾夫子絕倒在地遂大稱之

堯山堂外紀卷六十三

文天祥

本名雲孫字天祥後以字貢于鄉理  
宗見其名曰此天之祥乃宋之瑞也

因字  
宋瑞

寶祐丙辰上元里人有叩箕仙場事者云文章天

下無雙手到底由知是吉祥其年文山擢第一

德祐初牒報元師渡江詔諸路勤王天祥乃發郡

中豪傑并結溪洞山蠻應之或議其猖狂時士

方為之歌曰出師自古尚張皇何況長江恣擾

攘聞道義旗離漕口已驅北騎走池陽先將十

萬來迎敵最好諸軍自裹糧說與無知饒舌者  
文魁元不是猖狂

賈餘慶劉岳相繼降元一日留遠亭夜集北人然  
火亭前聚諸公列坐行酒賈有名風子滿口罵  
坐毀宋朝人物無遺以此獻佞此惟臺臺笑劉  
數奉以淫褻諸酋專以為笑具于舟中取一村  
婦至亭中使薦劉寢據劉交坐諸酋又嗾婦抱  
劉為戲文山不勝悲憤口占刺之刺賈云甘心  
堯山堂外紀卷六十三

二

賈國罪滔天酒後猖狂詐作顛把酒逢迎酋虜  
笑從頭罵坐數時賢刺劉云落得稱呼浪子劉  
樽前百媚佞旃裘當年鮑老不如此留遠亭前

犬也羞

時淮南閩帥夏貴歸附元授中書左丞  
凡四年或有人贈以詩云自古誰無死

惜公遲四年問公今日或何似四年前又有人  
吊其墓云享年八十三而不七十九嗚呼夏相  
公萬代  
名不朽

祥興初張弘範襲執文天祥於五坡嶺以客禮見

之至厓山張命李恒公書諭張世傑降公乃

書過零丁洋詩與之詩云辛苦遭逢起一經，千  
戈落落四周星。山河破碎風拋絮，身世飄搖雨  
打萍。皇恐灘頭說皇恐，零丁洋裏歎零丁。人生  
自古誰無死，留取丹心照汗青。李不能強持詩  
達張張但稱好人好詩，竟不逼。

元丞相伯顏統兵入杭，謝全兩后以下皆赴北，有

王婉儀者題滿江紅於驛云：太液芙蓉渾不似，  
舊時顏色。會記得，恩承雨露，玉樓金闕名播蘭

堯山堂外紀卷六十三

六十三

三

簪妃后裏，暈潮蓮臉。君王側忽一朝，鼙鼓揭天  
來繁華歇。龍虎散，風雲滅。千古恨，憑誰說。對

山河百二，淚霑襟血。驛館夜驚塵土，夢寶車曉

碾關山月。只嫦娥相顧，肯從容，隨圓缺。

王名清惠字冲

華後為女道士此辭傳播中原，文山讀至末句，歎曰：惜

也。夫人于此少商量矣。因為代作一篇，云：試問

琵琶胡沙外，怎生風色最苦。是姚黃一朵移根

仙闕。王母恹闌瑋，宴罷仙人淚滿金盤側。聽行

宮半夜雨淋鈴聲聲歇

彩雲散香塵滅銅駝

恨那堪說想男兒慷慨嚼穿齧血回首昭陽離  
落日傷心銅雀迎新月算妾身不願似天家金  
甌缺又和云燕子樓中又捱過幾番秋色相思  
處青年如夢乘鸞仙闕肌玉暗消衣帶緩淚珠  
斜透花鈿側最無端焦影上燈紗青燈歇曲  
池合高臺滅人間事何堪說向南陽陌上滿襟  
清血世態便如翻覆雨妾身元是分明月笑樂

荒山堂外紀卷六十三

四

昌一段好風流菱花缺

元至元庚辰五月文璧自惠州入覲右丞相帖木  
兒不花曰此人是文天祥弟帝曰那箇是文天  
祥博羅對曰卽文丞相上嗟嘆久之曰是好人  
也次問壁右丞相奏是將惠州城子歸附底帝  
曰是孝順我的當時有詩云江南見說好溪山  
壁號文溪兄也難時弟也難可惜梅花各心事南枝  
向暖北枝寒

皇慶中丞相子陞仕為集賢學士  
奉使贛州道卒時有挽之者云也

下修文同父子人間詩史各君臣先是丞視  
道生佛生皆流離中處已治命以陞為後按陞  
為璧之子則陞之  
失其本心有自矣

陳文龍

興化人初在太學累試不入格一日

于學既而廷對第一前夢不復記矣及守  
鄉郡又夢神通詩首言交代後著年月曰  
至元心甚駭愕未幾倖至抗拘繫于太學  
病將絕歎曰皇宋未亡之前鬼神已奉虜  
正朔矣吾今病且死而無適因太  
學得無為太學士科乎果卒

度宗龍飛榜陳文龍為廷魁胡躍龍為省元時范

文虎為殿帥孫虎臣為步帥有人對云龍飛策

堯山堂外紀卷六十三

五

士狀元龍省元龍虎帳得人殿帥虎步帥虎

景炎初興化軍降元陳文龍被執至合沙以詩寄

仲子訣別云斗壘孤危弱不支書生守志誓難

移自經溝瀆非吾事臣死封疆是此時須信壘

臣堪釁鼓未聞烈士樹降旗一門百指淪胥此

唯有丹衷天地知

陸秀夫

當時有先兆曰擎天者  
文天祥捧日者陸秀夫

景炎三年夏四月衛王即位海上陸秀夫為首相

時播越海濱庶事疎略每朝會秀夫獨儼然正  
立如治朝雖流離中猶日書大學章句以勸講  
及厓山兵潰秀夫先驅其妻子入海卽負帝同  
溺或畫為圖者林景熙賦詩云紫宸黃閣共樓  
船海氣昏昏日月偏平地已無行在所丹心猶  
數中興年生歲魚腹不見水歿抱龍鬚直上天  
版蕩純臣有如此流芳千古更無前

謝枋得

字君直因東坡有溪上青  
山三百疊之句遂以為號

堯山堂外紀卷六十三

六

德祐丙子元師入信州謝枋得乃變姓名入建寧  
山至元中御史程文海等交薦累召不赴行省  
叅政魏天祐復被旨集守令戍將迫盛上道臨  
行以詩別常所往來者曰雪中松柏愈青青扶  
植綱常在此行天下豈無韞勝潔人間何獨伯  
夷清義高便覺生堪捨禮重方知歿甚輕南八  
男兒終不屈皇天上帝眼分明蔡正孫和云山  
色愁予渺渺青平生心事杜鵑行霜鬢雪虐天

終定歲晚江空水自清。肩上綱常千古重。眼前榮辱一毫輕。離明坤順文箕事。此是先生素講明。時士友詩盈几。張叔仁詩云打硬修行三十年。如今證驗作儒仙。人皆屈膝甘為下。公獨高聲罵向前。此去好憑三寸舌。再來不直一文錢。到頭畢竟全清節。留取芳名萬古傳。標得會其意甚稱之。至燕不食而成。

鄧剡

字光薦以字行別字中甫因號中齋

堯山堂外紀卷六十三

七

鄧光薦隨駕至崖山崖山潰光薦赴海虜舟援出之張元帥待以客禮與文天祥俱出嶺別於建康後天祥坐燕獄中集杜云南宮吾故人才名三十年江城秋日落此別意蒼然

鄧光薦宋己以義行著嘗賦鷓鴣詩曰行不得也哥哥瘦妻弱子羸牸馱天長地闊多網羅南音漸少北語多肉飛不起可奈何行不得也哥哥

鄧光薦又有贊文丞相像曰目煌煌兮踈塵曉寒

氣英英兮晴雷殷山頭碎柱兮璧完血化碧兮  
心丹嗚呼孰謂斯人不在世間

家鉉翁

則堂先生

元兵南下次高亭宋朝納降吳堅為左相家鉉翁  
為叅政與賈餘慶劉岳為祈請使北行文天祥  
詩云當代老儒居首揆殿前陪拜率公卿又云  
程嬰存趙真公志賴有忠良壯此行前謂吳後  
謂家也至北鉉翁抗節不屈拘留河間世祖崩  
堯山堂外紀卷六十三

八

成宗卽位始賜衣服遣還鄉里年逾八十矣林  
景熙有詩送之云瀕歿孤臣雪滿顛冰瓊齧盡  
偶生全衣冠萬里風塵老名節千年日月懸清  
淚秋荒遼海鶴古魂春老蜀山鶻歸來親舊驚  
相問未忝離離夕照邊

信世昌

字雲父東平人  
公子無忌之後

信雲父北方之儒也元兵南下為張弘範館客文

山被獲弘範命雲父款待之日侍談論頗有向

南之意贈文山詩云宗廟有靈賢相出黔黎魚  
患大皇明文山因教以詩法雲父恍有所得明  
日袖出一絕云東風吹落花殘英猶戀枝莫怨  
東風惡花有再開時言文山不忘宋而宋必中  
興也一日謂文山曰高麗地方數千里昨喪其  
半遂稱藩大元喜其不拒并侵疆歸之今傳自  
如故大宋衣冠正統非高麗比北必不無禮於  
社稷也文山領其意紀以詩曰東魯遺黎老子

堯山堂外紀卷六十三

九

孫南方心事北方身幾多江左腰金客便把君  
王作路人蓋是時宋臣多有反面事北者文山  
詩云遺老猶應愧蜂蟻故人父已化豺狼又云  
黑頭汝自誇江令冷齒人猶笑褚公皆有所指

謝翱

字臯羽福之長溪人  
徙浦城號晞髮子

宋亡文天祥被執謝臯羽悲不能禁嚴有子陵臺  
孤絕千尺時天涼風急挾酒登之設天祥主跪  
爵號勸取竹如意擊石作楚歌招之曰魂來兮

何極魂去兮江水黑。化為朱烏兮其味烏食。歌  
竟竹石俱碎。失聲大哭。人莫能測。明年沒葬。子  
陵臺南。初翺以朋友道。葬作許劔錄。未就其友  
人為作許劔亭於墓右。

劉會孟

字辰翁號須溪廬陵人私  
印古篆三代人物四字

劉須溪題蘇李泣別圖云事已矣泣何為蘇武節  
李陵詩噫

劉須溪元宵雨辭云角動寒譙看雨中燈市寒意

堯山堂外紀卷六十三

十

蕭蕭星球明。戲馬歌管雜鳴刁。泥沒膝。舞停腰。  
燄蠟任風消。更可憐。紅啼桃臉。綠頰楊橋。當  
年樂事。朝朝曾錦鞍。呼妓。金屋。葳嬌。圍香春醉  
酒。坐月夜吹簫。今老去。倦歌謠。嫌殺杜家喬。漫  
三杯擁爐覓句。斷送春宵。

張孟浩贈須溪詩云首陽餓夫甘一死。叩馬何曾  
罪辛巳。淵明頭上漉酒巾。羲熙以後為全人。蓋

宋亡之後劉竟不出仕云

鄭思尚

浙南先生宋已不仕因改名寓思尚之意趙孟頫才各當世惡其以宗室

而受元聘遂與之絕

鄭所南善墨蘭獨不畫土人問其故答曰土為蕃人奪去題詩其上云一國之香一國之殤懷彼懷王于楚有光

鄭所南每遇歲時伏臘輒野哭南向拜聞北語必掩耳亟走嘗題書塾云不知今日月但夢宋山川題鄭子封寓舍云此世但除君父外不曾別

堯山堂外紀卷六十三

十一

受一人恩題寒菊云寧可枝頭抱香灰何曾零落北風中

汪元量

字大有號水雲從謝后北遷老宮人能詩者皆其指教或謂癡國公善詩

亦水雲教之

度宗時汪水雲以善琴出入宮掖元兵入城賦詩

云錢唐江上雨初乾風入端門陣陣酸萬馬亂

嘶臨警蹕三宮洒淚濕鈴鑾童兒賸遣追徐福

厲鬼終須滅賀蘭若說和親能活國輝煌應是

嫁呼韓頃之從三宮北去畱滯燕京時有王清  
惠張瓊英皆故宮人善詩相見輒涕泣元量嘗  
和清惠詩云愁到儂時酒自斟挑燈看劍淚痕  
深黃金臺迥少知已碧玉調高空好音萬葉秋  
聲孤館夢一牕寒月故鄉心庭前昨夜梧桐雨  
勁氣瀟瀟入短襟

元世祖聞汪元量善琴召入侍鼓一再行駸駸有  
漸離之志而無便可乘也遂哀懇乞為黃冠世

堯山堂外紀卷六十三

十二

皇許之瀕行與故宮人十八人醜酒城隅鼓琴  
敘別不數聲哀音哽亂淚下如雨張瓊英送之  
詩云客有黃金共璧懷如何不肯贖奴回今朝  
且盡穿廬酒後夜相思無此杯

少帝之寓燕京也淒涼無賴時汪水雲以黃冠放  
還少帝作詩送之云黃金臺上客底事又思家  
歸問林和靖寒梅幾度花元量既還錢唐往來

彭蠡間風踪雲影倏無寧居人莫測其去畱之

蹟遂傳以為仙多畫像祀之

宋之初興也始於後周恭帝顯德七年

年恭帝方八歲及其亡也終于少帝德祐二年少帝方六歲名顯而德顯二字竟與得國時符合

汪水雲題王導像云秦淮浪白蔣山青西望神州

草木腥江左夷吾甘羊壁只緣無淚灑新亭

元量

有詩一帙皆叙宋亡事如云亂點傳籌殺六更風吹庭燎滅還明侍臣奏罷略元表臣妾簽名謝道清餘詩大抵類是元馬易之題其帙後云三曰錢唐海不波子嬰繫組納山河兵臨魯國猶絃誦客過商墟獨嘯歌鐵馬渡江功赫奕銅人辭漢淚滂沱知章喜得黃冠事野水閑雲一

鈞

堯山堂外紀卷六十三

十三

唐珣

字玉潛號雷川先生後獲黃袍引兒報德之夢生子珣為名儒

元世祖二十一年甲申桑哥為相與江南浮屠總

攝揚輦真珈相表裏啖僧嗣古妙高上言欲毀

宋諸陵明年乙酉正月桑哥矯制可其奏於是

發諸陵唐時年三十二歲聞之痛憤亟貨家具

得白金百星許執券行貨得白金又百星許乃

具酒醪市羊豕邀里中少年若干輩狎坐轟飲

酒且酣唐慘然具以告願叔廢遺骸乃斷文本

為匱複黃絹為囊各署其表曰某陵某陵分委  
而散遣之薊地以藏為文而告詰旦事訖來集  
出白金羨餘酬戒勿泄越七日總浮屠下令裒  
陵骨雜置牛馬枯骷中建白塔於抗故宮曰鎮  
南以厭勝之杭民悲戚不忍仰視了不知陵骨  
之猶存也唐葬骨後又於宋常朝殿掘冬青樹  
植於所函土堆上作冬青行曰馬箠岡饒形南  
面欲起語野麝尚屯八何物敢盜取餘花拾飄  
堯山堂外紀卷六十三

十四

蕩白日哀后土六合八怪事蛻龍掛茅宇老天  
鑒區區千載護風雨

唐又有感雷震白塔詩云冬青花不堪折南風吹  
涼積香雪搖搖華蓋萬年枝上有鳳巢下龍穴  
羊兒年犬兒月霹靂一聲天地裂

其後至正十  
九年雋周張

士誠遺平章張士信守抗壞白  
塔甃城塔亡而元亦馴至於亡

唐復有夢中詩四首曰珠亡忽震蛟龍睡軒弊寧  
忘犬馬情親拾寒瓊出幽草四川風雨鬼神驚

一坏自染珠丘土雙匣親傳竺國經只有春風  
知此意年年杜宇哭冬青昭陵玉匣走天涯金  
粟堆寒起暮鴉水到蘭亭轉嗚咽不知真帖落  
誰家珠鳧玉鴈又成埃斑竹臨江首重回猶憶  
年時寒食節天家一騎奉香來

或以為林德陽  
景熙事按唐與

林本同事者羅有開鄭明德  
專二乃各步異不免傳疑



